

COMISIÓN INFORMATIVA DE TERMALISMO, TURISMO E MEDIO AMBIENTE

ACTA da mencionada comisión informativa, correspondente ó día **22 de novembro de 2018**

ASISTENTES:

PRESIDENTE: D.^a Ana María Villarino Pardo DEPUTADOS/AS: D.^a Consuelo Vispo Seara D. José Antonio Feijóo Alonso D. Antonio Montero Fernández D. Miguel A. Cid Álvarez D.^a M.^a Teresa Cerdeira Valiñas D. Vicente Gómez García D.^a Isabel Gil Álvarez D. Adolfo González Nóvoa D. Armando Ojea Bouzo D. Ramiro Rodríguez Suárez SECRETARIO: D. Juan Marquina Fuentes INTERVENTORA ACCTAL: D.^a Begoña Álvarez Matos Asiste tamén o director da Área de Transparencia do Fernando Suárez.	No Pazo da Deputación Provincial de Ourense, o 22 de novembro de 2018, ás 17.30 horas, baixo a presidencia de dona Ana María Villarino Pardo e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes acordos:
---	--

1º.- ACTA ANTERIOR, CORRESPONDENTE Á ORDINARIA DO DÍA 18 DE OUTUBRO 2018.-

En relación coa acta da reunión anterior, correspondente á ordinaria do día 18 de outubro de 2018, non se formulan observacións e queda aprobada por unanimidade.

A continuación, a presidenta da comisión somete á consideración dos membros da comisión a alteración do tratamento dos asuntos incluídos na orde do día, por cuestións de axenda do director da Área de Transparencia (que vai informar aos membros da comisión sobre o punto terceiro), mostrándose conformes todos os membros da comisión.

Seguidamente procédese a tratar o punto terceiro.

3º.- CONVENIO DE COLABORACIÓN ENTRE A ENTIDADE PÚBLICA EMPRESARIAL RED.ES E A DEPUTACIÓN PROVINCIAL DE OURENSE PARA O DESENVOLVEMENTO DO PLAN NACIONAL DE TERRITORIOS INTELIXENTES DA AXENDA DIXITAL PARA ESPAÑA (C075/18-SP).

A **presidenta da comisión** explica que na comisión de Transparencia do día anterior, o deputado do Grupo Socialista, don Adolfo González Nóvoa, pediu que por parte do responsable do dito proxecto se informase aos grupos do seu contido. Para isto, falouse co director da Área de Transparencia e Goberno Aberto da Deputación, don Fernando Suárez, o cal comparece no día de hoxe para explicar o contido do convenio para asinar con Red.es para o desenvolvemento do Plan nacional de territorios intelixentes da axenda dixital para España.

D. Fernando Suárez, director da Área de Transparencia e Goberno Aberto, explica que a Deputación Provincial de Ourense foi seleccionada dentro da convocatoria realizada pola entidade pública empresarial Red.es, dentro do Plan nacional de territorios intelixentes, como beneficiaria das axudas previstas na dita convocatoria. Sinala que en Galicia foron catro os proxectos elixidos, dous deles nesta provincia, o da propia Deputación e o do Concello da capital. Indica que o proxecto da Deputación consiste nunha plataforma integral de turismo intelixente de todos os recursos turísticos da provincia, denominados “*Ourense a tu alcance*” e que ofrece servizos personalizados “*Siente Ourense*” e experiencias inmersivas “*Ourense te guía*”. A plataforma integrará todos os recursos turísticos da provincia desde un cadro de mando integrado por portal web, aplicación móbil de información turística, planificador de rutas, desenvolvemento de contidos interactivos baseados na realidade aumentada, realidade virtual e subministración e posta en marcha de cámaras de exterior e outros servizos. Respecto do

importe, indica que tal e como consta no convenio para ditaminar, o importe global do investimento é de 2.989.022,34 euros, dos cales Red.es achegará o 60% e a Deputación o 40%.

A **presidenta da comisión** agradece a presenza do funcionario na comisión e as explicacións dadas.

D. Adolfo González Nóvoa, do Grupo Socialista, agradece igualmente a presenza do director da Área de Transparencia e Goberno Aberto e indica que o seu grupo valorará o contido do convenio, absténdose nesta comisión e reservando o voto para o Pleno ordinario.

Non se producen máis intervencións, e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º. Aprobar o convenio de colaboración entre a entidade pública empresarial Res.es e a Deputación Provincial de Ourense para o desenvolvemento do Plan Nacional de Territorios Intelixentes da axenda dixital para España (C075/18-SP), co clausulado que se transcribe:

PRIMEIRA.- OBXECTO DO CONVENIO

O obxecto do presente convenio é o desenvolvemento da iniciativa presentada pola Deputación Provincial de Ourense, seleccionada como beneficiaria da axuda concedida por Red.es para o desenvolvemento do Plan Nacional de Territorios Intelixentes. Un resumo da devandita iniciativa recóllese no anexo III.

SEGUNDA.- ACTUACIÓNS

Para a consecución do obxecto do presente convenio, a entidade local en proceso de selección, presentou con data 22 de febreiro de 2018 unha proposta de iniciativa.

Que o obxecto da iniciativa presentada é a creación dunha plataforma integrada de turismo intelixente que lle permita ao turista acceder á información de interese dos principais recursos turísticos da provincia (“Ourense ao teu alcance”), ofrecerlle servizos personalizados (“Sente Ourense”) e experiencias inmersivas (“Ourense guíate”).

Que as actuacións necesarias para a realización da iniciativa son:

- *Plataforma integradora dos recursos turísticos, que inclúa cadro de mando integral, portal web e aplicación móbil de información turística, planificador de rutas, desenvolvemento de contidos interactivos baseados en realidade aumentada (xeolocalización de elementos emblemáticos), realidade virtual e vídeo en 360, desenvolvemento de contidos dixitais dos recursos turísticos, así como a subministración e posta en marcha de cámaras de exterior,*

cámaras de cálculo de persoas e cámaras para tracking de vehículos en zonas de interese turístico.

A relación de actuacións non é exhaustiva nin limitativa e a Comisión de Seguimento definida na cláusula oitava deste convenio poderá definir actuacións adicionais, sempre que estas atendan aos obxectivos da proposta presentada e ao establecido nas bases da convocatoria.

En execución do presente convenio, as partes, desenvolverán as actuacións necesarias para o desenvolvemento da iniciativa presentada pola entidade local e seleccionada na convocatoria do Plan Nacional de Territorios Intelixentes.

TERCEIRA.- OBRIGACIÓNS DAS PARTES

1. Obrigacións de Red.es

Red.es obrígase a:

- (i) Executar a iniciativa seleccionada na convocatoria do Plan Nacional de Territorios Intelixentes a través de procedementos de contratación que correspondan, achegando o financiamento previsto na cláusula cuarta do presente convenio.*
- (ii) Realizar o seguimento da iniciativa que execute a entidade no marco do presente convenio nos termos previstos na cláusula oitava.*
- (iii) Consensuar coa entidade local o contido de eventos, notas de prensa ou calquera outro acto que contribúa a difundir o presente convenio.*

2. Obrigacións da entidade local

A entidade local obrígase a:

- (i) Achegar o financiamento previsto na cláusula cuarta do presente convenio.*
- (ii) Facilitar toda a información necesaria para levar a cabo as actuacións previstas, garantindo a corrección e veracidade delas e destinar os recursos necesarios que fagan posible a correcta execución das devanditas actuacións.*
- (iii) Realizar as actuacións necesarias para asegurar o grao de soporte e o mantemento adecuados que permitan alcanzar un nivel óptimo de rendemento da infraestrutura instalada no marco deste convenio. Para estes efectos, o beneficiario, garantirá o rigoroso cumprimento do procedemento acordado por Red.es en cada un dos proxectos.*
- (iv) No caso de que as actuacións previstas inclúan a realización de traballos de obra civil, a entidade local actuará como promotor deles aos efectos previstos na Lei 38/1999, de 5 de*

novembro, de ordenación da edificación, así como da normativa sectorial de aplicación no caso de actuacións na vía pública.

(v) Manter operativa a iniciativa tras a finalización da fase de implantación, polo menos durante o prazo establecido na cláusula quinta e o anexo II. Para iso, a entidade local obrígase a asumir integramente o custo dos servizos necesarios para o mantemento e operación da iniciativa durante o devandito prazo.

(vi) Acordar con Red.es o contido de eventos, notas de prensa ou calquera outro acto que contribúa a difundir o presente convenio.

As partes comprométense a realizar cantas accións resulten precisas para a correcta e completa execución das actuacións previstas neste convenio.

CUARTA.- INCREMENTOS

O importe total das actuacións previstas no presente convenio ascende a 2.989.022,34 euros, correspondéndolles o seu financiamento ás partes na proporción que se detalla:

Red.es financiará o 60% do custo das actuacións previstas no presente convenio.

O beneficiario financiará o 40% do custo das actuacións previstas no presente convenio.

As actuacións de xestión da iniciativa suporán un 6% do orzamento. Estas actuacións comúns incluírán labores de xestión, coordinación, seguimento, avaliación, comunicación e auditoría que debe realizar Red.es para a correcta execución das actividades que se desenvolvan no marco do presente convenio de colaboración.

O 50% da achega da entidade local realizárase mediante transferencia anticipada a Red.es aos seis meses da sinatura deste convenio de colaboración. O 50% restante librarase aos dezoito meses desde a sinatura.

O investimento de Red.es realizárase con cargo a FEDER do período 2014-2020 que sexan de aplicación.

A entidade local non poderá certificar o financiamento achegado ao cumprimento das actuacións definidas no marco do presente convenio con cargo a programas operativos de FEDER do período de programación 2014-2020 nin a calquera outra axuda de ámbito nacional ou europeo.

Red.es no seo da Comisión de Seguimento deste convenio, xustificará os incrementos realizados nas actuacións definidas na súa cláusula segunda, mediante certificación emitida polo director xeral da entidade ou polo seu director económico financeiro.

A execución dos investimentos estará suxeita en todo caso á dispoñibilidade orzamentaria das partes.

QUINTA.- OBRIGACIÓNS DA ENTIDADE LOCAL NO MARCO DOS FEDER

Co propósito de dar cumprimento á normativa que regula a xestión dos fondos europeos de desenvolvemento rexional, para aquelas actuacións que perciban cofinanciamento desta natureza, a entidade local deberá asumir os compromisos que aparecen descritos de forma adxunta ao presente convenio de colaboración no seu anexo II.

SEXTA.- CUMPRIMENTO DE REQUISITOS TÉCNICOS E TRANSMISIÓN DA PROPIEDAD

A entidade local garántelle a Red.es que os centros ou organismos que se beneficien das actuacións cumpren os requisitos técnicos necesarios para que os bens e servizos proporcionados por Red.es resulten inmediatamente operativos.

A propiedade de todo o equipamento e demais bens subministrados por Red.es, entenderase transmitida á entidade local, no momento en que os devanditos bens sexan postos a disposición dos centros ou organismos beneficiarios ou, se é o caso, no momento en que os ditos bens sexan postos a disposición da entidade local no lugar que esta sinale para o efecto.

En todo caso, os ditos bens serán destinados aos fins previstos no presente convenio.

SÉTIMA.- SEGUIMIENTO DA EXECUCIÓN E IMPACTO DOS PROXECTOS.

Co fin de que as partes poidan avaliar o desenvolvemento das actuacións, Red.es realizará o seguimento dos proxectos que execute a entidade no marco do presente convenio. Para este fin seguiranse os indicadores propostos pola entidade local na documentación presentada na convocatoria. Ademais, a Comisión de Seguimento poderá definir indicadores adicionais tanto de progreso de proxecto como de impacto da actuación.

OITAVA - COMISIÓN DE SEGUIMIENTO DO PRESENTE CONVENIO

Establécese unha Comisión de Seguimento do presente convenio, constituída por dous representantes da entidade local e dous representantes de Red.es. Os membros desta comisión poderán ser substituídos polas persoas que estes designen. A substitución, con carácter definitivo ou temporal, de calquera dos membros da Comisión de Seguimento, será anunciada na convocatoria da reunión correspondente, e quedará debidamente reflectida na súa acta.

A presidencia da Comisión de Seguimento terá carácter rotatorio, correspondéndolle a Red.es designar ao secretario, que actuará con voz pero sen voto.

Ás reunións da Comisión de Seguimento poderán asistir convidados de cada unha das partes, que actuarán con voz pero sen voto.

Corresponderalle á Comisión de Seguimento definir as actuacións para realizar en desenvolvemento do establecido no presente convenio, así como supervisar a execución dos proxectos.

Adicionalmente ás funcións previstas no presente convenio, a Comisión de Seguimento resolverá os problemas de interpretación e cumprimento que se deriven des. Así mesmo, poderá propor melloras e modificar as actuacións previstas no convenio, logo do consentimento previo das partes, e sempre que as ditas melloras e modificacións non supoñan unha alteración substancial do obxecto do presente convenio. Calquera modificación que se acorde neste sentido deberá reflectirse por escrito nun acordo da Comisión de Seguimento que se someterá á sinatura de todos os seus membros.

A Comisión de Seguimento reunirase en sesión constitutiva antes de transcorridos dous meses desde a sinatura do presente convenio, e poderá reunirse cantas veces considere necesario para a execución do presente convenio. En todo caso, reunirase sempre que o solicite algún dos membros que a compoñen.

NOVENA.- NATUREZA DO PRESENTE CONVENIO

O presente convenio é dos previstos no artigo 47.2 a) da Lei 40/2015, de 1 de outubro, e atópase sometido, para as súas condicións de execución, e, de ser o caso, modificación, resolución de conflitos e incumprimentos, ademais do establecido na devandita lei, ao previsto na Lei 38/2003, de 17 de novembro, xeral de subvencións, a súa normativa de desenvolvemento, e as bases reguladoras da subvención.

DÉCIMA.- VIXENCIA DO PRESENTE CONVENIO

O presente convenio producirá efectos tras a súa subscripción polas partes e estenderá a súa vixencia durante catro anos, podendo prorrogarse por acordo das partes.

En todo caso, o convenio manterá a súa vixencia ata a finalización daquelas actuacións que fosen iniciadas antes da data de finalización do prazo estipulado no parágrafo anterior, a condición de que non se vulnere o disposto no artigo 49 letra h) da Lei 40/2015, de 1 de outubro, de réxime xurídico do sector público.

DECIMOPRIMERA.- PROTECCIÓN E SEGURIDADE DA INFORMACIÓN

No desenvolvemento do presente convenio adoptaranse as medidas de seguridade requiridas no Regulamento (UE) 2016/679, do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e a libre circulación destes datos e polo que se derroga a Directiva 95/46/CE (Regulamento Xeral de Protección de Datos) así como á súa normativa de desenvolvemento.

DECIMOSEGUNDA.- CAUSAS DE EXTINCIÓN DO CONVENIO

O presente convenio extinguirase polo cumprimento das actuacións que constitúen o seu obxecto ou por incorrer en causa de resolución.

Son causas de resolución:

- a) O transcurso do prazo de vixencia do convenio sen acordarse a súa prórroga.
- b) O acordo unánime das partes.
- c) O incumprimento das obrigacións e compromisos asumidos por parte dalgún dos asinantes.
- d) Por decisión xudicial declaratoria da nulidade do convenio.
- e) Por calquera outra causa distinta das anteriores prevista no convenio, nas bases reguladoras e no resto da normativa aplicable á subvención.

En caso de incumprimento do convenio por unha das partes, a outra poderá notificarlle á parte incumpridora un requirimento para que cumpra no prazo dun mes coas obrigacións ou compromisos que se consideren incumpridos. Este requirimento seralle comunicado tamén á Comisión de Seguimento.

Se transcorrido o prazo dun mes persistise o incumprimento, a parte que o dirixiu notificaralles á outra e á Comisión de Seguimento a concorrencia da causa de resolución e entenderase resolto o convenio.

En calquera caso, a Comisión de Seguimento deberá facer constar na acta correspondente o incumprimento ou, se é o caso, o incumprimento das obrigacións recíprocas de cada parte.

O cumprimento e resolución do convenio dará lugar á liquidación deles co obxecto de determinar as obrigacións e compromisos de cada unha das partes.

DÉCIMO TERCEIRA.- INTERPRETACIÓN E RESOLUCIÓN DE CONFLITOS

O presente convenio ten natureza administrativa. As controversias que poidan xurdir sobre a interpretación, modificación, resolución e efectos que puidesen derivarse do presente convenio resolveranse entre as partes a través da Comisión de Seguimento. Na súa falta, serán

competentes para coñecer as cuestións litixiosas que puidesen derivarse do convenio os órganos xurisdicionais da orde contenciosa-administrativa.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír nos orzamentos xerais desta Deputación para os exercicios previstos as cantidades correspondentes.

3º. Designar como **representantes** da Deputación na comisión de seguimento prevista na cláusula oitava do Convenio, ao presidente da Deputación e ao director da Área de Transparencia e Goberno Aberto, podendo ambos ser substituídos polo/a deputado/a ou funcionario/a que non seu momento designe a Presidencia.

2º.- PROGRAMA DE COOPERACIÓN ENTRE A DEPUTACIÓN PROVINCIAL DE OURENSE E OS CONCELLOS DE NOGUEIRA DE RAMUÍN E O PEREIRO DE AGUIAR PARA A PRESTACIÓN DE ASISTENCIA TÉCNICA PARA A XESTIÓN DA ESTACIÓN DE TRATAMENTO DE AUGA POTABLE DE MELIAS E BOMBEO EN ALTA.

O Sr. vicesecretario expón o contido da proposta da Presidencia.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

1º.- Aprobar o programa de cooperación entre a Deputación Provincial de Ourense e os concellos de Nogueira de Ramuín e O Pereiro de Aguiar para a prestación de asistencia técnica para a xestión da estación de tratamento de auga potable de Melias e bombeo en alta para o ano 2018, con suxeición ás seguintes cláusulas:

1) Obxecto

Constitúe o obxecto deste programa a regulación das condicións de prestación pola Deputación Provincial de Ourense aos concellos do Pereiro de Aguiar e Nogueira de Ramuín do servizo de asistencia e cooperación para a xestión da estación de tratamento de auga potable de Melias, incluíndo o bombeo en escala e aos seus correspondentes depósitos, sitos en Agra de Arriba – Lamagrande e San Miguel –Faramontaos.

O presente programa adóptase en exercicio da competencia provincial para prestarlles asistencia e cooperación aos concellos e demais entidades locais en materia de servizos municipais prevista nos artigos 36.1.a) e b) da Lei 7/1985, *do 2 de abril, reguladora das bases do réxime local*, e da competencia municipal para a ordenación e xestión do servizo de abastecemento domiciliario de auga potable, configurado como servizo mínimo obrigatorio polo artigo 26 da mesma lei básica de réxime local.

2) Condicións da prestación do servizo

A Deputación Provincial de Ourense prestaralles aos concellos adheridos a este programa a asistencia técnica de xestión integral da ETAP de Melias, incluíndo a asistencia técnica para a xestión do seu funcionamento ordinario, a realización do seu mantemento e as análíticas legalmente esixibles así como o mantemento correctivo e reposición dos equipos. A Deputación Provincial de Ourense realizará, por xestión directa, os mantementos preventivos e correctivos e a reposición dos equipos, así como a asistencia para a xestión da subministración de enerxía eléctrica, asumindo a compra, substitución e amortización dos equipos e a contratación e o pagamento da enerxía eléctrica, que serán obxecto de repercusión aos concellos nos termos previstos na cláusula 3ª. O resto do servizo de asistencia técnica será prestado pola Deputación Provincial de Ourense de forma indirecta a través da entidade Aquaourense, Sociedade Provincial de Augas e Medio Ambiente SA, sociedade de capital mixto participada pola Deputación Provincial, na súa condición de concesionaria do servizo provincial de asistencia e cooperación con entidades locais en materia de servizos relacionados co ciclo hidráulico e medio ambiente.

En todo caso, o servizo público obxecto deste programa conservará, en todo momento, o seu carácter de servizo público municipal, de titularidade compartida entre os concellos de Nogueira de Ramuín e O Pereiro de Aguiar, correspondéndolles a súa xestión sen prexuízo da cooperación da Deputación.

3) Retribucións económicas

En contraprestación polo servizo prestado, a Deputación Provincial percibirá os seguintes prezos públicos:

a) Tarifa fixa mensual pola xestión a Nogueira de Ramuín: 2.356,95 €/mes (IVE non incluído).

b) Tarifa fixa mensual pola xestión a O Pereiro de Aguiar: 7.070,86 €/mes (IVE non incluído).

c) Tarifa variable por cada m³ de auga potable que se subministre dende a ETAP de Melias de 0,22 €/m³ (IVE non incluído). Este valor é estimado para cubrir os custos da parte variable da enerxía que se deberá liquidar ao final de ano coa cantidade efectivamente facturada á Deputación Provincial de Ourense pola empresa subministradora neste concepto.

No caso de Nogueira de Ramuín aplicarase unha redución de 0,209 €/m³, por cada m³ subministrado á ETAP polo concello dende o depósito municipal de Faramontaos.

As tarifas sinaladas aplicaráselles o IVE vixente en cada momento.

As tarifas variables liquidaranse a cada concello en función dos m³ de auga subministrados a cada un.

A Deputación Provincial de Ourense aprobará as oportunas liquidacións semestrais, referidas ao 30 de xuño e ao 31 de decembro do ano natural, que se lles notificarán aos concellos outorgándolles un prazo de trinta días para o seu pago. Nas liquidacións semestrais incluíranse as tarifas variables correspondentes ao consumo efectivo e a parte proporcional das tarifas fixas.

4) Comisión de seguimento, control e vixilancia

Establécese unha Comisión de Seguimento, Control e Vixilancia do convenio, presidida polo delegado de Cooperación e Seguimento do Plan do Mandato 2015-2019 e que estará integrada polo director da Área de Medio Ambiente e un representante designado por cada concello, entendendo que, en ausencia de designación expresa, a dita representación corresponderalles aos respectivos alcaldes. Actuará como secretaria da comisión a asesora xurídica de Medio Ambiente ou funcionario que legalmente a substitúa, coas funcións propias dun secretario de órgano colexiado conforme co establecido na Subsección 1, Sección 3ª, Título preliminar da Lei de réxime xurídico do sector público.

A Comisión de Seguimento, Control e Vixilancia reunirase a pedimento de calquera das partes integrantes, e as súas funcións serán as de seguimento da aplicación do convenio, interpretación e resolución de incidencias. No caso de non acadarse un acordo no seo da comisión, a Presidencia da Deputación Provincial de Ourense resolverá unilateralmente e con carácter executivo o que proceda, sen prexuízo da posibilidade de impugnación deste acto administrativo pola entidade local interesada conforme co sistema de recursos vixente no noso ordenamento xurídico.

5) Vixencia

O presente programa terá efectos retroactivos e estará vixente dende o 1 de xaneiro de 2018 ao 31 de decembro do 2019.

6) Natureza e réxime xurídico

O presente programa terá natureza administrativa, correspondéndolle á xurisdición contencioso-administrativa a resolución das controversias sobre a súa validez, eficacia, efectos e extinción.

2º.- Ordenar a publicación do presente convenio no BOP para xeral coñecemento.

4º.- MODIFICACIÓN DO CONVENIO DE COLABORACIÓN ASINADO ENTRE A C.H. DO MIÑO-SIL, A DEPUTACIÓN DE OURENSE E O CONCELLO DE A VEIGA PARA O FINANCIAMENTO, EXECUCIÓN E ENTREGA, PARA O SEU MANTEMENTO E CONSERVACIÓN, DAS OBRAS DO PROXECTO ACONDICIONAMENTO, PROTECCIÓN E MELLORA DA CONECTIVIDADE DAS MARXES DO RÍO XARES AO SEU PASO POLOS NÚCLEOS DE XARES, PONTE E BAÑOS (A VEIGA).

O Sr. vicesecretario expón o contido da proposta.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º. Aprobar a modificación da cláusula segunda en canto á vixencia do convenio, o **Anexo I**, no referido ás anualidades nas que se executará a actuación para acomodar as achegas económicas dos outorgantes ás novas necesidades e ao ritmo de

execución das actuacións e a **cláusula duodécima** no relativo ás referencias a encomenda de xestión, do convenio de colaboración entre a C.H. do Miño-Sil, a Deputación de Ourense e o Concello de A Veiga para o financiamento, execución e entrega, para o seu mantemento e conservación, das obras do proxecto acondicionamento, protección e mellora da conectividade das marxes do río Xares ao seu paso polos núcleos de Xares, Ponte e Baños, consonte co seguinte texto:

CLÁUSULAS

PRIMEIRA.-Modificación do apartado primeiro da cláusula segunda.

Modifícase o apartado primeiro da cláusula segunda, que queda redactado do seguinte modo:

1. O presente convenio resultará eficaz unha vez inscrito no Rexistro Electrónico Estatal de Órganos e Instrumentos de Cooperación do sector público estatal, e publicado no Boletín Oficial do Estado.

A súa vixencia concluirá o 31 de decembro de 2020, salvo que nesa data non finalizasen as actuacións obxecto deste nin se procedese á recepción das obras, liquidación do contrato, finalización do prazo de garantía, e entrega das obras conforme co establecido na cláusula sétima, nese caso os asinantes do convenio poderán acordar unanimemente a súa prórroga por un período de ata catro anos adicionais.

SEGUNDA.- Modificación da cláusula duodécima.

A cláusula duodécima modifícase integramente do seguinte modo:

1.- A actuación obxecto deste convenio entregaráselle definitivamente ao Concello da Veiga mediante mutación demanial que non alterará o réxime da titularidade das obras e instalacións obxecto desta, nin as facultades de inspección e control sobre eles que, en todo caso, lle corresponden ao organismo de conca como titular.

2.- A Confederación Hidrográfica de Miño-Sil, O.A. consente expresamente que o Concello da Veiga poida xestionar a explotación, mantemento e conservación das obras obxecto do presente convenio, directa ou indirectamente, segundo o establecido na normativa vixente.

3.- As partes aceptan que a Confederación Hidrográfica do Miño-Sil, O.A. tramite, ante a Dirección Xeral de Patrimonio do Ministerio de Facenda e Función Pública, o correspondente expediente de mutación demanial interadministrativa, a favor do Concello da Veiga, ao abeiro do precitado artigo 71.4 da Lei do patrimonio das administracións públicas, para a súa afectación ao servizo público competencia da entidade local.

TERCEIRA.- Modificación do Anexo I.

Modifícase o Anexo I engadindo a anualidade 2019 e axustando de novo as contías do seguinte modo:

PROGRAMACIÓN INICIAL DAS ANUALIDADES PREVISTAS

	TOTAL	CONFEDERACIÓN HIDROGRÁFICA DO MIÑO-SIL (50%)	DEPUTACIÓN PROVINCIAL DE OURENSE (35%)	CONCELLO DA VEIGA (15%)
2017	7.122,88 €	3.561,44 €	2.493,01 €	1.068,43 €
2018	16.054,62 €	8.027,31 €	5.619,12 €	2.408,19 €
2019	376.822,50 €	188.411,25 €	131.887,87 €	56.523,38 €
SUMA	400.000,00 €	200.000,00 €	140.000,00 €	60.000,00 €

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para o exercicio de 2019 a cantidade correspondente para asumir as anualidades do gasto indicadas.

5º.- MOCIÓN DE URXENCIA.- Non se presentan.

6º.- ROGOS E PREGUNTAS.- Nesta quenda prodúcense as seguintes intervencións:

Antes de comezar a quenda de rogos e preguntas, a **presidenta da comisión** indica que quere darlle resposta a unha pregunta formulada polo deputado do Grupo Socialista, don Adolfo González Nóvoa, na última comisión, referente a unha moción aprobada no Pleno a instancia do Grupo Popular no ano 2017, respecto das actuacións para a xestión da biomasa. Explica que desde a Consellería de Medio Rural da Xunta de Galicia se están subscribindo convenios que está posibilitando os ditos traballos de limpeza e de xestión da biomasa e, por outra parte, a Deputación está realizando os ditos labores nos 1.855 quilómetros de vías provinciais da súa titularidade. Engade que a normativa da Xunta indica que as ditas xestións nas vías públicas debe estar realizada ao 31 de maio de cada ano, se ben os ditos traballos prolónganse ao longo de todo o ano, xa que é na época estival cando máis medra a maleza nas ditas franxas. A este respecto, lembra que a Deputación ten un programa provincial de cooperación cos concellos para os ditos traballos de xestión da biomasa.

D. Adolfo González Nóvoa, do Grupo Socialista, indica que en moitas vías provinciais o problema vén polas ramas das árbores e voan sobre as vías e que poden ser un serio perigo para a seguridade.

A presidenta da comisión recolle o rogo do deputado respecto desta problemática, engadindo que en todo caso os ditos traballos son moi custosos para a Deputación e que en moitos deles vense involucrados terreos particulares de terceiros, sendo os seus titulares aos que lles correspondería a xestión da biomasa.

E, ás 17.45 horas, dáse por finalizada a reunión, redactándose a presente acta, que asinan a presidenta e o secretario. Certifico.